

## HERCEGBOSANSKE ŽUPANIJE

**PRAVILNIK  
O IZMJENI PRAVILNIKA O UVJETIMA  
GLEDE PROSTORA, OPREME I  
POTREBNIH STRUČNIH  
I DRUGIH DJELATNIKA CENTRA ZA  
SOCIJALNU SKRB I PODRUŽNICE**

**Članak 1.**

U Pravilniku o uvjetima glede prostora, opreme i potrebnih stručnih i drugih djelatnika centra za socijalnu skrb i podružnice (»Narodne novine Hercegbosanske županije«, broj: 2713) u članku 12. stavku (2) riječi: „od 8.000 do 10.000 stanovnika“ mijenjaju se i glase: „do 8.000 stanovnika“.

**Članak 2.**

Ovaj Pravilnik stupa na snagu osmog dana od dana objavljivanja u »Narodnim novinama Hercegbosanske županije«.

Bosna i Hercegovina  
Federacija Bosne i Hercegovine  
Hercegbosanska županija  
**Ministarstvo rada, zdravstva,  
socijalne skrbi i prognanih**  
Broj: 09-04-02-4/24  
Livno, 26. travnja 2024. godine

Ministrica  
**Dijana Novković-Pećanac v.r.**

\*\*\*

**USTAVNI SUD  
FEDERACIJE BOSNE I HERCEGOVINE**

\*\*\*

Ustavni sud Federacije Bosne i Hercegovine odlučujući o predočenom ustavnom pitanju Kantonalnog suda u Tuzli u vezi sa ocjenom ustavnosti čl. 1., 5., 10., 16. do 22. i člana 25. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja, u dijelu koji se odnosi na „područje djelovanja“, stava I. Odluke o dopunama Odluke o usvajanju programa utroška sredstava sa kriterijima raspodjele sredstava „Subvencije privatnim preduzećima i preduzetnicima - Poticaj za veterinarstvo“ utvrđenog Budžetom Federacije Bosne i

Hercegovine za 2021. godinu Federalnom ministarstvu poljoprivrede, vodoprivrede i šumarstva i član 10. stav (5) i član 13. stav (1) Uputstva o provođenju mjera za otklanjanje i sprječavanje zaraznih i parazitarnih bolesti životinja za 2021. godinu, u dijelu koji se odnosi na „područje djelovanja“, na osnovu člana IV.C.3.10 (4) Ustava Federacije Bosne i Hercegovine na sjednici bez javne rasprave održanoj dana 31.1.2024. godine donio je

**P R E S U D U**

Utvrđuje se da su čl. 1., 5., 10., 16. do 22. i član 25. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, br. 5/16 i 40/16) u dijelu koji se odnosi na „područje djelovanja“ u skladu sa Ustavom Federacije Bosne i Hercegovine.

Utvrđuje se da je u vrijeme važenja stav I. Odluke o dopunama Odluke o usvajanju programa utroška sredstava s kriterijima raspodjele sredstava „Subvencije privatnim preduzećima i preduzetnicima – Poticaj za veterinarstvo“ utvrđenog Budžetom Federacije Bosne i Hercegovine za 2021. godinu Federalnom ministarstvu poljoprivrede, vodoprivrede i šumarstva („Službene novine Federacije BiH“, broj: 101/21) bio u skladu sa Ustavom Federacije Bosne i Hercegovine.

Utvrđuje se da su u vrijeme važenja član 10. stav (5) i član 13. stav (1) Uputstva o provođenju mjera za otklanjanje i sprječavanje zaraznih i parazitarnih bolesti životinja za 2021. godinu („Službene novine Federacije BiH“, br. 53/21 i 105/21) u dijelu koji se odnosi na „područje djelovanja“ bili u skladu sa Ustavom Federacije Bosne i Hercegovine.

Presudu objaviti u „Službenim novinama Federacije BiH“ i službenim glasilima kantona u Federaciji Bosne i Hercegovine.

**O b r a z l o ž e n j e**

**1. Podnosilac zahtjeva i predmet zahtjeva**

Kantonalni sud u Tuzli (u daljem tekstu: podnosilac zahtjeva) je podnescima broj: 03 0 U 021176 22 U 2 od 22.3.2023. godine i dopunom od 3.4.2023. godine, Ustavnom sudu Federacije Bosne i Hercegovine (u daljem tekstu: Ustavni sud Federacije) predočio ustavno pitanje – utvrđivanje